




Poex: 1246




2530


1869 11. 387











Frid. ZamelF

EPIGRAMM: REGIORUM

Manipulus alter.

Typis BODENHAUSINIS
anno M. DC. XLVI.

VLADISLAO IV.
Poloniæ ac Sveciæ Regi Potentiss.

VLADISLAE, Tibi postquam hæc meditata
fuiſſent,
Te quoq; Patronum cura ſuprema dedit.
Tuta ſatis ſub Te quos quærat & exigat ultra
Te præter nullos charta locuta deos?

Ad Musam.



I quàmvis sero nondum desedimus ævo.

Da gregis Aonii Tu mihi prima livam.

Dum meditor laudes olim redeuntis ab Istro,

Mitteret ut patriis Bessica fersa diis,

Leta mihi impulsis surgant exordia chordis.

Qui Vates animat Spiritus, inde ruit.

De Matrimonio Vladislai Regis

Serenis.

Conveniunt Reges, & eunt in puncta deorum:

Proximaq; est summo Iuno Venusq; Iovi.

Gallia da thalamos, dabit acer Sarmata fruges:

Sic inter Superos dixerat alma Ceres.

Qui thalami leges qui firmet jura Quiritum.

Hunc nervum ex ipso rure Polonus habet.

VLADISLAE potens, uni Tibi nubere rectè,

Quo cum pax solida est, Gallia lauta potest,

Cum gentè Austriacà, cum duris pugnat Iberis:

Bella Tibi movit nulla, nisi hæc Veneris.

Omen Regii thalami.

Volverat à propriis aliena negotia curis

Fortè satur modici Sarmata cultor agri.

Vita viri innocua est. Vidui nova fœdera Regis

Exigit: & gentes, quas habet Orbis, adit.

Miserat Austriacam sed non transiverat oram:

Venerat huc, Isera quà trahit Ister aquas.

Quà surgit, quà se septeno gurgite findit,

Iamq; mari placidus condere Rhenus amat.

Pergit, & in Nimfis hæret Trinobantidos aula.

Hinc ad Liligeri mœnia flectit iter.

*Vt percensitis Hispanica templa deabus.
Liquerat, egressum mox sopor altus habet.
Nox erat, ac somnum cristatus ruperat ales:
Risit, & à gallo vir bonus omen init.*

De Nuptiis iisdem.

F*Vnere ab Austriacæ Franco Rex sanguine natam
Ducit: & ut dignam ducat, ab hac caluit.
Cum lustrasset Aves, propius nihil; hosq; secundos
Cæsaris à magni viderat esse domo.
Si negat istud Iber, meritis certetur utringq;
Quod causam hanc, domui Cæsaris hæret Iber.*

Ad Reginam Sereniss.

Q*uanta viris gravitas venientibus Orbe Polono!!
Scepترigeri digno Nimfa potita thoro.
Iste typus populi est. Potuit nil mittere majus.
Vir Tuus, & potuit nil retinere minus.*

Galliæ cum Poloniâ comparatio.

A*dspecte tot fluvios, quos Gallia navibus implens
Erogat externis Bacchica dona plagis.
Pene tot enumerat fecunda Polonia fontes:
Frugibus hi patriis cætera regna beant.
Contuleris amnes, magna est cognatio terris.
Ac Bacchi & Cereris ubere major inest.*

Ad Reginam Sereniss.

M*issa domo Batavi tetigisti litora Martis:
Victaq; es, ut perhibent, asperiore gelu.
Ulteriora vocant, Boreæq; extrema petentur.
Quid Regina times? Sceptra Boréa geres.*

*Te circum famuli discent mitescere Cori,
Auragq; perpetuo tempore mollis erit.*

De Eadem.

G *Allorum caris Aloisia solverat oris,
Regna maritalis jam subitura poli:
Cum latuere Noti, latet Euris carcere: surgunt
Et Zephyri, & consors Orithyia Tuns.
Fallimur? an patriis usa est dea Celtica ventis;
Quaerq; juvat, promti res Aquilonis erat?*

Ad Eandem.

A *Uditas olim vides Aloisia gentes:
Et populum quævis se feret esse Tuum.
Sarmata cum Russis veniet, truxq; accula Ponti,
Quiq; Borussorum Teutones aqvor arant.
Moschorum pars lecta aderit, demissaq; vultum
Suspiciet nutus cætera turba Tuos.*

Ad Sarmatidas.

S *It satis Austriaca cineres flevisse Renatæ:
Francigenam supplex Arctos adorat heram.
Discite Sarmatides magni commercia nexûs:
Cum Mari & Oceano fœdera Pontus habet.
Sunt, quæ Casarea tribuistis jura puellæ.
Integra. Defendet Gallica Nimfa locum.*

De Nuptiis Potentiss Polon, Reg. Vladislai.

V *Ere novo nitidi sunt connubia Cœli:
Vere novo Tellus nubit amica Iovi.
Vere novo pleni redeunt ad munia Soles:
Vere novo Superum gratia vestit agros.*

Creditis.

Creditis hiberno nupturos fidere Reges?

Pone thorum Sponsis, Sarmata, Vere nov.

Ad Reginam Sereniss.

Diva veni: Tecum veniet par illud Amorum,
Quod cum mortali Numina gente ligat.

Nec solum meditata Tuas est Cypria tadas;

Nacta moram plures efferet illa faces.

Iustus Lechigenum thalamus cum sanguine Franco est,

Cum primi Reges hoc subiére jugum.

Ad Eandem.

Frigora decedunt dubios factura nepotes:

Mutat, & exemplum non habet ille rigor.

Solvisti, Regina, Tuo fera tempora vultu:

Horrida nox abiit, sidera verna micant.

Sive Tuum hoc munus, sive est ea cura deorum,

Sub Te componet mitior hora diem.

De Regina Ser.

Pacta Sarmatici cubile Regis

Divæ Sequanicæ domum relinquens

Nocte transierat nemus mariti:

Luna defierat nitere cælo,

Astra condiderant minora lumen.

Et facem mihi prætulistis extra,

Increpat dea, quam negetis intra

Rura Sarmatiæ viriꝑꝰ regnum?

Impulit citò Noctiluca currum

Arbitro Iove, Plejadesꝑꝰ visa

Septimâ simul esse cum sorore.

Esse clarius Orionis astrum.

Ad

Ad Eamdem.

A Rva Polona vides: nunc Te Regina precamur.
Quæ columen populi præsidiumq; venis:

Dicere vix ausim, vix ausim dicere: Sed Tu

Quo Tua regna vides, hoc precor ore legas.
Magna Tabaccobibi sequitur Te turba Lyæi.

Quidquid in hoc folio, Tu procûl esse jube.
Fumorum hinc satis est per rura, per oppida: fumo

Hoc ipso & docta Gymnados antra calent.

Cum dederis nostri coëant ut vulnera civis,

In vetitis ut sit Nicotiana, dabis.

De Liliis.

I Te hiemes: florent Arctoïs Lilia terris:

Liqvescunt vestræ per juga celsa nives.

Respicit ad solidos immensa Polonia flores,

Si tener à matrum cespitè bulbus hiet.

Ad Reginam Ser.

Quid Tibi cum Rhodano est, nostri dea maxima Regni?

Quid Ligerin recolis? crede fuisse Tuum.

Per consanguineas præceps ruat Axonæ gentes:

Subq; suo pinguent Rege relinque Mosam.

Disce novos fontes: Tibi naviger Istula servit,

Inq; Borysthenidum sunt Tua Regna vadis.

De Regio Conjugio.

IN Roxolanos ducit hostes Sarmata:

Domuiq; gravis infertur Ottomannicæ:

E Galliâ Regum petuntur conjuges.

Naturam in hoc genus imitatur inclitum.

Sub Solis ortu, quāq; vigor est illius,
De Marte cogitant, & arma promouent.
Spectant cadentem, quā thori res Regiū est.

Ad Reginam Ser.

Cū canerem primos Augusti Regis amores,
Versibus arripit dia Renata meis.
His si volvendis similes Aloisia vultus
Donet, & in famam res ea Vatis eat,
Sorte ferar certā. Minus hactenus esse putabam,
Quod placui: plus est, nunc quoq; si placeo.

Poloniæ Galliēq; Procerum congressus.

Pars hæc est Procerum, quos culta Polonia misit:
Et pars è Gallis hæc quotacumq; coit.
Quanta sit illius majestas, quanta sit hujus
Imperii, his opibus pars utriusq; docet.
Quanta sit inde liquet conjuncti utriusq; potestas,
Si non hæc Asiæ sufficit, haur alia est.

Gallia Poloniæ.

Ingressura viam lætis Aloisia cæptis
Fisa sibi comites legit ab Orbe suo.
Ampla manus venit majorum obnoxia Regnis:
Gaudet agro, & fixum Gallus habere Larem.
Santo Senoq; vale: jam nil imitabimur in Te.
Doctorem dabitur secta sub arce Dea.

Tuba nuptialis.

Ad sacra Sarmatici descendite Numina Regis:
Tu mare mitte Tuos, Tu quoq; terra Iouet.

Maxime

*Maxime Caesar ades: Vos cum Rectore Garumnae
Britones: Hesperiae Vos utriusq; duces.
Cum Superis accumbe diis vicina diis fors:
Amensâ Domini Thrax, Scytha, Moschus erunt.*

Ad Reginam Serenis.

Q*Vale feras omen vis dicam, Aloisia? laetum est.
Sic Tua sic generis tempora Pallas amet.
Ipsa Tibi Cytherêa Venus favet inter olivas:
Prima meae plausum gentis Oliva dedit.
Hac placida quis non putet argumenta quietis?
Hac Tecum ingredimur conditione viam.*

Ad Poëtas Gallicos.

V*enistis? Et venisse Vos e Gallicis
Præstantiora credo pectora Vatribus.
Nemone Vestrum Aferem meum dulcissimum
In Gallicanis vidit usquam partibus?
Nec est ab hoc qui capite portet literas?
Deos rogabat identidem ille sospites,
Ut jungeretur optimis Bonfiniis,
Et quos in optimis haberet Gallia.
Deinde nupturientibus pariter schedis
Suis meisq; carminum Lubentiâ
Ibat maritalem laceffere aërem.
Qui fortè in istas incidistis paginas,
Et hæc legitis: illius ex parte alterâ
Fiduciarium ipse sum pars altera.
Si quid bonus Afer meruit intra Gallias,
Favete mihi cælo sub hoc Borussia.*

Ad Musicorum turbam.

B

Noscite

Noscite quæ Vobis audire volentibus affert
Fama recens: magnum Rex meus urget opus.
Festa parat thalami: Reges ad sacra vocavit:
Tum chorus his epulis & Iove dignus erit.
Dicitur & Liricen, de quo mala turba rogatis,
Hic fore, qui arguti creditur esse Iovis.

Cantores Regii.

Regia non humiles celebrabunt atria Musæ.
Cantabit, silvas quitrabit atq; feras.
Cum teneras Chiron leviter demulserit aures,
Accipiet Vatum dux genitorq; chelyn.
Tum carmen citharæ nervis imponet Iopas:
Nec Tu (namq; aderis) tunc tacere potes.

De Regina Serenis.

Viderat Arctoi Dominam Septentrio mundi,
Estq; ea ceruleo prodita fama mari.
Ipse pater summo prospexit ab æquore Nereus,
Et sua Nimfarum liquerat antra cohors.
Arsuros thalami credebant protenus ignes,
Cum Regina citos litore movit equos.
Oceanitis ait vitreæ junctissima Tethyi:
Gaude Nupta potens: hoc procū agmen erit.
Reginæ virides assurrexere Napææ,
Et numero in tanto plurima Nais erat.

De Amore.

Qualiter instituit pompam Regina Deorum,
Per medias ierat Regia Nimfa vias.
Aurea viderunt, viderunt gemmea currus
Stipati cives atq; aliunde viri.

Quidam.

*Quidam erat, hærentem Sponsæ qui vidit Amorem.
Dicam ego, qui fuerit ille? Poëta fuit.*

De Eodem.

*P*Arve puer Veneris, cum sis sine veste tenerq;
*Quid struis armatis Regibus insidias?
Cur non abstineat, Vos causam promite victi.
Et cur non metuat, qui metuisset apem?*

De Eodem.

*Q*uid querar? aut quibus est Superis integra potestas,
Qui frangant animum sæve Cupido Tuum?
*Imperium sine lege tenes. Tibi Iupiter ingens
Paruit. Intraſti victor inermis aquas.
Rexiſti Plutonis equos per florida magnæ
Prata deæ, primis quæ sata miſit agris.
Ad matrem refero. Venus audi juſta querentem.
Quin, ſi Tu jubeas, temperat ille puer?
O Venus aut excors, aut nati perdita telis!
Ceſſiſti puero: ne graviora loquar.*

Ad Reginam Ser.

*H*ic qui Te rerum Dominam Ludovica vocavit,
*Arduus humanâ voce locutus Atlas.
Non ære ex fatuo, nec inertî machina ligno,
Sed qui cælum humeris ſuſtinet, ipſe fuit.
Debuerat Regina Tibi ſeu proximus aſtris,
Seu qui ſumma regit Iupiter aſtra, loqui.*

De Eâdem.

*S*i quæ fides famæ eſt, portas ingreſſa Gythoni
Hospite Diva domo ſederat ante focum.

*Quis dubitet, cum se Venus unâ ingesserit & Ver,
Quin fieri hunc ignem jusserit unus Amor?*

Votum in natali.

NAtalem, gens cara, meum genialibus horis,
Et quæ non turbant tristia fata, colo.
Lux formosa poli est, & non obnunciat Augur:
Ipse ego vigessis sumo meraca cadi.
In mensam libetur honos. Vos Numina cæli,
Accipite in fuso congrua vota mero.
Ad sua Sarmatici veniunt consortia Reges:
Ille vir, à Francis patribus illa genus.
Et bene Lechigenam Regem, & bene Francida Nimfam,
Tum bene nos! Rectas hic habet ordo preces.

De Regina Sereniss.

QUod curru Regina vehi dignaris aperto,
Nataq; tot populis quilibet ora videt.
Signa Tua dici possunt liquidissima mentis.
Altera nocturno Tu tamen igne dabas.
Luce licet mediâ, vel nocte incedere malis,
Omnia sinetra munia frontis habes.

Ad Eamdem.

Flecte Tuas, Regina potens, huc flecte quadrigas,
Paulisperq; meâ Draufide siste gradum.
Si felix ac fausta venis, res ipsa cadentes
Erige, & in visis stet medicina malis.
Audieris, fractisq; velis succurrere rebus,
Plus tanget præsens mitia corda dolor.

De

De Chlœ.

Regina placitura novæ mutare parabat
Vestitum nostro carmine nota Chlœ.
Quem geris, instabam, viridis Tibi semper amictus
Convenit. Argolico diceris herba sono.
Mox ea: Nonne suis ornantur floribus herbæ?
Ecce nitet varius picta per arva color.

In Leucippum.

Res Leucippus amat: dimensos verba Poëtas
Odit, & hoc noxam credit habere genus.
Audet & à nudis instructos dicere verbis:
Quos movent animos, in mera verba refert.
Ad Regem nuper facturum verba tacebat.
In linguâ solas res habuisse puto.

Ad Regem Vladisl. Princ. Opt.

Quid dices ô Rex cum mœnia nostra subibis,
Viderit & campos Nupta patentis Habi?
Quæret, ubi tenues spectabit in æquore lembos.
An Tu piscosum dixeris esse lacum?
Sentiet, & casum afflictæ miserabitur urbis:
Forsitàn & gemitus, primaq; vota dabit.
Quid Nuptæ possis Rex alte negare recenti?
Quid precibus populi penè rogantis opem?
Exigui volitent piscosa per æquora lintres,
Ardua dum medio tramite pinus eat.

Ad Cives Elbingenses.

Elbingam Gedano properat Rex inclitus armis.
Certus ab Oceano fontis adire deam.
Quid Tu præstabis ruptis de cassibus, expers
Prædarum, quales sufficit unda maris?

Da quodcumq; Tuum est. Nec misit ab æquore Nereus
Omnia, deq; Tuis munera sumsit aquis.

Ad Eosdem.

DIva propè est, Cives, signis manifesta parentum.
Lucent virgatis agmina iuncta sagis.
Cæsa manu prisco ritu geminata coruscant,
Terroremq; suæ fingere gentis ardent.
Qualis, ubi dubio sensisti Roma Quirino,
Bis palmam Gallos posse referre truces.
Iste habitus veterum de simplicitate loquutus
Antiquâ Dominam præstat adesse fide.
Hæc manus, hic vultus, totq; ora faventia circum
Non iracundæ pignora mentis habent.

Ad Regem Clementis.

Qualia sunt animi curarum mole soluti,
Suscipe Rex facili carmina ducta manu.
Nullus in erecto legitur Tibi peggmate sulcus
Aureus: ignorat sepia nostra Tagum.
Nuper ab officio Tibi se vicina probârunt:
Nunc & ab officio cætera Vatis ama.

Ad Reginam Serenis.

Adspecte, quæ Nogadi descendis ad ostia, nosq;
Dis genita & sceptris addita robur, adis.
Sortiti sumus hoc cum diteſcentibus astrum.
Ecce domos: credes hæc habitasse deos.
Per fora mitte oculos: quæ sunt hæc pascua? dices.
Quod quæror amissum, Tu dare sola potes.

Drusis

Drufis Nimfa.

DRufis apud Superos pro caro quæſta marito eſt:
Parva, nec in tuto litora Glaucus habet.
Inde Mycon naſſis, hinc retibus urget Iolas.
DI date, ſit tuto Drufis alumna lacu.

Ad Reginam Ser.

HOs Elbinga ſuis fructus Tibi mittit ab hortis,
Dira: quibus viſis noveris urbis agrum.
Sub nivibus gelidam potuerunt vincere brumam.
Ne Tu aded accessum crede rigere ſolum.

Ad Eamdem.

Quem Regina damus vario discrimine piſcem,
A noſtro venit litore, jamq; Tuo.
Sit quo ſe Rhodanus miretur & unda Moſellæ.
Prutenas variat copia major aquas.

Ad Vladisl. Reg.

ORex, qui juſtas ades exaudire querellas,
Siſte loqvuturo: publica damna loqṽar.
Vrbis opes pereunt, nec nos ex aſſe tuemur
Transmiſſum à lautis nobile nomen avis.
Qvò mare vicinum, ſi ſunt ſine munere ripæ,
Et tantum mergis explicat acta ſinum?
Abſtinet à nobis, alibi qui vilius intrat.
A nutu pendet tota medela Tuo.
Eſt circum regio, quam ſi perſpexerit hoſpes,
Pulchra quidem: at famæ non ſatis iſta ſuæ.
Tercentum fuerint letæ, Rex optime, Villæ,
Reddere plus nobis unica Pilla poteſt.

Cereris

Cereris qverimonia.

Seu quis erat genius (voces his auribus hausi)
Sive sonam edebant rura, vel ipsa seges.
Et velli, & tundi, & torreri, & pondere frangi
Hordea, conqvestum est: & quid omitto? coqui.
Hinc Zitibi latices extructa per opida mistos:
Civibus hoc studio se tolerare datum.
Nunc quo nata foret, Cererem liquescere sulco:
In gremio inq, oculis nempe parentis agri.
Et quo non fundo domitâ de fruge Falernum—
Nascitur, & pingves cupa vaporat opes?
Mœnia amant refici miseris dehiscencia rimis:
Rem differt extra mœnia cocta Ceres.

Ad Lectorem.

Fvidimus hæc, Lector, famâ serpente per urbes.
Tendere ad Elbingæ Regia corda focos.
Seu cepta stet caussa via, seu sidera mutant,
Hoc habitu est faciles Drusis operta deos.

Ad Regem Opt. Max.

Svb sceptris ô Almè Tuis sum natus, & ipsâ;
Quæ Tibi fit supplex, Druside sospes ago.
Injussus scripsi, quia Te meruisse videbam:
Si Tibi lecta placent, edere plura jube.
Sospes ago, hoc dixi: sed sic atate fruendum est.
Ad sua jam properat funera noster olor.

De Asere amico, Regios Legatos in Galliam seqvuto.

IN Gallicanis est meus Aser finibus.
IDI Te profectum ab ultimis Livombus

Felici-

Felicitent, probetq; Musa Regibus!
Quid admoves? quibus insenas, quæ vidimus?
Quibus auribus? Tu si hoc acetum sustines,
Doctus mihi sis visus & venustulus;
Eo amplius Tibi adesse novero, Genium.

De Amore.

Persequere, inq; Tuas sævi matertera damas.
Dianæ dixit lumine captus Amor.
Me metuunt homines stantem sine luminis usu:
Inq; ipsos Reges condita tela gero.
Nuper in hunc misi, qui Lechica Regna gubernat;
Cum, quas Tu figis, figeret ille feras.

De Eodem.

Exiguum teneri risere Cupidinis arcum.
Phœbus cum faretris atq; Diana soror.
Adduxit nervum puer improbus, atq; tetendit.
Cynthius hoc vidit, corripuitq; fugam.
Si caussa est, cur fisa loco Dictynna maneret,
Constat non omnem deposuisse metum.

De Eodem.

Nuper in infestum surrexerat omnis Amorem.
Turba deum, & tristes est meditata neces.
Fulmine Rex, Libycis dignum censebat arenis
Iuno fremens, Stygiâ Pluto palude premi.
Mergendum Neptunus aquis, Mars ense necandum,
Morsibus hydrarum dixit Atlante satius.
Oppleri Scythicis voluit Diana pruinis.
In medio jacuit nudus inopsq; puer.

C

Spirabat

*Spirabat tenuem roseis de naribus ignem.
Et pueri est omnis turba miserta deum.*

De Regina Sereniss. & Liliis.

O*Mnia primævi miracula cedit mundi:
Nostra dies rudibus plura reponit avis.
Hoc quoq; majus habet Tyriæ vectore puellæ;
Qudd, quâ fecit iter, straverat ille fretum.
Sarmatiæ Præpes gestantem Lilia Nimsam
Aëra per medium dulce ferebat onus:
Trux Aquilo & gelidi poterant terrere Triones
Te Iovis armigerum cum Ganymede Tuo.
Delata est virgo Regem sortita maritum:
Sarmaticoq; vigent Lilia pacta solo.*

Ad Eamdem.

E*lbingam calidi damnasti Aloisia voti:
Displicuitq; Tibi nos tenuisse diu.
Rumor in ambiguas omnem spem distulit horas:
Adventusq; fuit lubrica fama Tui.
Si Regina Tui malè festinantur honores,
Da veniam: dubie culpa sit illa moræ.
Absit ut infirmos alleget Patria cives.
Non abit ad casus res hodierna suos.
Tecum letitiam vultumq; ô Diva fovemus.
Præstari thalamo quæm cupis ipsa Tuo.*

In Solem Regium.

S*olem vides & Cynthiam
Venusta cœli lumina.
Sit clara quàmvis Cynthia.
A Sole lumen accipit.*

Rex

Rex est necesse fulgeat,

Deinde conjux Regia.

In Lunam Regiam.

S*uccos facemq; Cynthia*
Rebus ministrat omnibus.

Sed omne donum Cynthiae

A Solis ipso est lumine.

Cum providet Rex omnibus,

Regina Regno commoda est.

Ad Augustiss. par Pol. Regum.

Q*uot veniant populi Vestris in fœdera tædis,*

O Rex & Regis pars Ludovica mei,

Si mussant Proceres, vulgaris lingua frequentat.

Nec nostro juncta est Gallia sola mari.

Tu Tecum Danas, Tu Svecas altera gentes,

Et Batavos Marti cognita corda trahis.

Quamq; dedit pavido robusta Polonia Thraci,

Non exors Celtes navita pacis erit.

Communem ignorant Regum connubia sortem,

Ista, quibus populi se tueantur, habent.

Viro Illustri Greg. Borasto.

E*gimus in dubiis ingrata silentia rebus:*

Iamq; mihi lustrum est, nil habuisse Tui.

Almesiaë tumulum tristesq; Boraste Cupressos

Videris, Almesiaë præco superstes agit.

Flevimus, & modus est: nec sunt ea funera tanti.

Vt mittam hunc vultum qui meus antè fuit.

Virginis adventu Reginae in nomen euntis,

Lechica brumales exiit ora dies.

*Et taceam? sed Tu rerum jam certus amici
Asertor caussæ viræ valeq; mea.*

De Rege Ser.

Villa mihi exigua est, fluvialibus adjacet undis:
Estq; meas qui sub limine turbet aquas.
DI nemorum quibus ille frequens, di fluminis, in quo
Sæpe natat, nocuæ vim cohibete manûs.
*Si, quibus inmitor, tabulas negat esse disertas;
Interpres scripto non abiturus adest.*

Bapt. Voconio.

Numquid inest nobis quo Tu moveâre Voconî,
Parthenopeng; sapit res mea curta Tuam?
*Inde puta tractum. Placuit mihi nata Pœsis
Illo agro, Vatum quo stetit antè seges.
Teutonas Ausoniam veneror sine fraude sequutos:
Hoc tamen Ausoniam cum grege malo sequi.*

Ad filiorum trigam.

Hvc mea gens cari sacris devota parentis:
Te quoq; non dubiâ spe Federice voco.
*Nunc puer, at patriâ si sumseris indole vires,
Grandior à studiis non potes ire meis.
Huc ades: & si Vos rerum properata relinqvunt,
Divag; progreditur non habitura moras.
Dicite: Tu prior hac versu GOTOFREDE rotundo:
Felices subeat Regia Nupta Lares.
CAROLE, Tu totidem dic vota sequentia verbis:
Felices præsta maxima diva Tuos.
Spernere lallantes nescit Regina puellor.
Voce licèt fractâ dic FEDERICE: FAVE.*

Audiet

*Audiet illa sui gentemq³ precēsq³ ZAMELI:
Exaudituros ut reor esse deos.*

De Marte & Cerere.

Ad festas epulas Cererem cum Marte vocarat
Sarmata Rex: nondum venerat illa dies.
Diversis Superūm nata est discordia votis,
Præcedatne ferox Mars an amica Ceres.
In populum hunc vestrum est meritum par, Iupiter inquit,
Restat quid deceat: Fœmina cede viro.

Ad Bacchum & Cererem.

Regales onera mensas Tu Bacche Ceresq³:
A Scythicis venit nostra Diana jugis.

De die Nuptiis Regiis præstituto.

Nec in nefastis est dies nec habebitur,
Quem Sol laborat, vos Themistos assecra.
Sed cum nec atrum nec molestum transigi
Velit imperetq³ gentium tot arbiter,
Quot urit Aquilo & mistus illi Aparctias,
Et hoc reorum indulgeat suspiriis,
Erit integra hodie comperendinatio.
Sunt feriæ: quales tabernis Præciæ,
Et horrido Prætor foro denunciant.

Flores ad Regium thalamum missi.

Aspera fugit hiems: successit primula veris:
Præterea violas uda ministrat humus.
Si nondum Paphios Venus intermiscet odores,
Et fertæ & florum suavius uber abest,

Tu Regum exhibara genialem floscule lectum.
Iam Cytheréa suas afferet ipsa rosas.

Ad Reginam Celsis.

S*ume Tibi niveos Regis nova Nupta jugales.*
Tales ille Tuus sapius egit equos.
Talibus ingressus confinia liquerat Hebri,
Cultus hic à Tanai cùm redeuntis erat.
Iste Tibi titulus thalami cum fœdere cessit:
Non aliter solam Te meruisse vehi.

De Sextiâ.

G*Allica cùm patrio discederat æquore pubes,*
Damnabat quamvis Sextia nostra moram.
Totum hoc quod fingas quinquagenaria misit.
Seu fugit, seu jam non furit ille deus.
Dignior ut sedeat matronas inter honestas,
Nunc gallum accepit Sextia Chironomum.

De Liliis.

D*ic mihi Flora Tuis cur Lilia vulserit hortis*
Dura manus Scythicis Sithoniisq; viris?
Per maria & terras cur secum transtulit illd.
Quò gravis incumbit Vrsa rigensq; gelu?
Numquid, ut à matris gremio prohiberet, & algu
Perderet, immanes his alitura feras?
Desieram vix ista loqui, cùm diuâ reponit:
Abstulit hos flores armiger ipse Iovis.
Hoc quondam est vectus raptore per ætheris oras,
Qui fundit Superis pocula sœcta puer.
Quâcumq; intulerit, glebâ felice recondet
A thalamis hortii Lilia sumta mei.

*Si pater ille deum pueri curavit honores,
Cur metuat tristem lactea planta Iovem?*

Ad Regem Excelsis.

CRede mihi Rex Celse: nihil Tibi prodere ficti,
Civis & ingenui mens ea Vatis erat,
Cum Te Pannonias inter cultissima Nymfas
Vreret: è silvis carmina missa dabam,
In silvis non nata meis: nec rivulus ille,
In cuius lusi margine, noster erat.
Te sensisse reor: nam multa coacta legebas.
Iamq; pari, quidquid legeris, ungue premes.
Culpa subest eadem: silvas & flumina viso:
Estq; locis illis, quod mea regna putem.
Sunt tamen in solidas hæc omnia non satis auras,
Si non è silvis pluribus una mea est.

Ad Reginam Sereniss. in vulgi rumore.

QVis rumor Regina Tuos dejecit ocellos?
Ille Tuum cor, Rex non malè noster habet.
Ecce hoc ut populi langvescant gaudia vultu,
Frigoraq; & nubes contrahat ipse polus!

De Poëtarum laboribus.

Sufficiunt oculis Naturæ iugentia nostris:
Humanisq; dedit viribus illa modum.
Sera dies posuit subnixos ære colossos.
Quærite de structis molibus, autor abest.
Quo Regum æternis condantur nomina chartis,
A tumida Vates plebe remotus habet.

De

De seipſo.


Inter Palladias peperit me mater olivas :
Lucinaeq; means tinxerat unda pedes.
Nec lauri deerant virides , nec Cypridos horti :
Siccabantq; genas mirtea ferta meas.
Ingenium qui Phœbe mihi Pallasq; dedistis,
Hâic inter Paphias semper adeste rosas.


In Copriam.


Copria , si nescis (nuper Te scire negabas)
Quid præstent studiis munia nostra Tuis.
In studiis sunt vîna Tuis taliq; Venusq;
Nos Regum laudes condimus atq; deum.
Quod brutis homines quod præstant integra monstris,
Hoc Vates Regum præstat amor Copriæ.


In æmulum.


Ille ego qui solâ defendor nominis aurâ,
Ingenio cecini rura ducesq; meo.
Æmulus invidit. Cum non vestigia posset
Tota sequi , dixit : Rastra solumq; canam..
Hæsit in his etiam. Cecini connubia Regum..
Ut vidit , dixit : sed tamen ista sequar.
Cum nil proficeret streperâ modulatus avenâ ,
Plebejas adiit sordidus ipse domos.
Nec vulgo placuit. Nihil æmule cætera profunt ,
Si tibi dî genesin non tribuere meam..
Quod natura suis est elargita Poëtis ;
Nec Maro , nec secti Lingva Maronis habet.
Cum stultè obrectes quas ambis æmule laudes ,
Mitti ad majorum rastra solumq; potes.















Biblioteka Jagiellońska

514700195523

